

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik

Broj: 02/12-19-17504/23
Sarajevo, 15.9.2023. godine

Na osnovu člana člana 69. stav (2) tačke (d) i (e) tačka i člana 70. stav (1) i (4) Zakona o javnim nabavkama („Službeni glasnik BiH“, br. 39/14 i 59/22) i Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022.godine, a na preporuku Komisije za javnu nabavku radova, Općinski načelnik donosi

ODLUKU O PONIŠTENJU POSTUPKA JAVNE NABAVKE Izvođenje radova na izgradnji objekta Dom kulture Ahatovići

I

Prihvata se preporuka Komisije za javnu nabavku radova i poništava se postupak javne nabavke - Izvođenje radova na izgradnji objekta Dom kulture Ahatovići, broj obavještenja 422-1-3-198-3-202/23, objavljeno na Portalu javnih nabavki dana 31.7.2023. godine, i “Službenom glasniku BiH- Oglasnik javne nabavke”, br.54/23, obzirom da ni jedna dostavljena ponuda nije prihvatljiva.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Obrazloženje

Odlukom broj 02/12-19-17504/23 od 24.7.2023. godine Općina Novi Grad Sarajevo pokrenula je otvoreni postupak javne nabavke - Izvođenje radova na izgradnji objekta Dom kulture Ahatovići, broj obavještenja 422-1-3-198-3-202/23, objavljeno na Portalu javnih nabavki dana 31.7.2023. godine, i “Službenom glasniku BiH- Oglasnik javne nabavke”, br.54/23 od 04.8.2023.godine. Procijenjena vrijednost nabavke je 324.786,32 KM bez PDV-a, odnosno 380.000,00 KM sa PDV-om.

Zapisnikom o otvaranju ponuda od 21.8.2023. godine Komisija je konstatovala da su u predviđenom roku, u propisno upakovanim kovertama pristigle tri (3) ponude ponuđača:

1. ZZ „GROS-COMP“ Hadžići
2. “VISAK” d.o.o. Mostar
3. “KRISTAL” d.o.o. Živinice

Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da su pristigle tri ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku te utvrdila da dostavljena ponuda ponuđača ZZ „GROS-COMP“ Hadžići ne ispunjava kvalifikacioni uslov tražen u tenderskoj dokumentaciji iz tačke 4.4. cijena ponude – 4.4.1. *Ponuđač treba popuniti obrazac za ponudu i obrazac za cijenu ponude koji se nalaze u prilogu tenderske dokumentacije u skladu sa svim podacima koji su definisani u Aneksima 2. i 3. Tačkom 4.4.2. propisano je da ukoliko ponuđač propusti popuniti obrazac za cijenu (Aneks 3) u skladu sa postavljenim zahtjevima za sve stavke koje su navedene i ukoliko bude mijenjao stavke u navedenom obrascu, ponuda ponuđača će biti odbacena.* Uvidom u dostavljenu ponudu ustanovljeno je da ponuđač nije popunio Aneks 3 - obrazac za cijenu ponude u skladu sa svim podacima koji su definisani u istom, odnosno na strani 30 ponude - stavka 8, ponuđač nije upisao ukupnu cijenu što je bio obavezan učiniti u skladu sa zahtjevima iz tenderske dokumentacije.

Nadalje, vršeći analizu dostavljene ponude Komisija je konstatovala da ponuđač u Izjavi iz člana 45 nije naveo broj Službenog glasnika BiH. Međutim u skladu sa praksom Suda BiH i Ureda za razmatranje Žalbi BiH, Komisija je prihvatila navedne Izjave jer je ponuđač upisao tačan nazive predmetne nabavke i ugovornog tijela koje je proveo tako da je nesporno da su navedene izjave dostavljene za predmetni postupak nabavke.

Takođe Komisija je konstatovala da ponuđač kao dokaz tehničke i profesionalne sposobnosti iz tačke 3.4.1. (a) tenderske dokumentacije priložio potvrdu o uspješno realizovanom ugovoru koju je izdala Općina Hadžići broj 08-11-8-5638/2023 od 02.06.2023.godine, koja se odnosi na Ugovor o izvođenju radova na izgradnji doma Mjesne zajednice Grivići broj ugovora je 08-11-8-5498-4/22 od 12.7.2023.godine. U predmetnoj potvrdi se navodi da su radovi uspješno izvršeni u periodu od avgusta 2022.godine do maja 2023.godine, a potvrda je izdata u junu 2023.godine. Komisija je uočila nedosljednost u datumu koji je naveden kao datum zaključenja ugovora, obzirom da je navedeno da su se predmetni radovi izvršavali u periodu od avgusta 2022. godine do maja 2023.godine a da je ugovor zaključen 12.7.2023.godine. Komisija je konstatovala da je riječ o tehničkoj pogrešci izdavaoca potvrde kod godine zaključenja ugovora te je predmetnu potvrdu prihvatila kao dokaz da je ponuđač ispunio traženi uslov iz navedene tačke tenderske dokumentacije.

Iz naprijed navedenih razloga utvrđeno je da ponuđač ZZ "GROS COMP" Hadžići ne ispunjava uslove tražene u tenderskoj dokumentaciji iz tačke 4.4.1., te je ponuda odbačena shodno odredbama člana 68. stav (4) tačka i) Zakona o javnim nabavkama.


Komisija je pristupila analizi i procjeni preostalih ponuda ponuđača "VISAK" d.o.o. Mostar i "KRISTAL" d.o.o. Živinice te utvrdila da dostavljene ponude prelaze cijenu utvrđenu Odlukom o pokretanju postupka javne nabavke, obzirom da je ponuđač "VISAK" d.o.o. Mostar ponudio cijenu za ugovor u iznosu od 612.228,40 KM sa PDV-om, a ponuđač "KRISTAL" d.o.o. Živinice ponudio cijenu za ugovor u iznosu od 396.456,55 KM sa PDV-om a da je Odlukom o pokretanju postupka utvrđena cijena za ugovor u iznosu od 380.000,00 KM sa PDV-om, to je Komisija konstatovala da predmetne ponude ponuđača prelaze planirana sredstava ugovornog organa za predmetnu javnu nabavku, odnosno prelazi procijenjenu vrijednost nabavke iz Odluke o pokretanju postupka. Shodno navedenom ponude su neprihvatljive, a što je i u skladu sa savjetodavnim mišljenjem Agencije za javne nabavke BiH. Predmetnim mišljenjem je navedeno da *u otvorenom postupku javne nabavke i konkurentskom zahtjevu za dostavu ponuda neprihvatljivost ponude se cijeni u toku postupka, a u slučaju da je predviđena e-aukcija, neprihvatljivost se cijeni prije zakazivanja e-aukcije.*

Iz naprijed navedenih razloga utvrđeno je da su ponude ponuđača "VISAK" d.o.o. Mostar i "KRISTAL" d.o.o. Živinice neprihvatljive u skladu sa članom 2. stav (1) tačka l) Zakona o javnim nabavkama BiH.

Na osnovu navedenog u skladu sa odredbom člana 69. stav (2) tačka d) i e) i članom 70. stav (1) i (4) i (6) Zakona o javnim nabavkama („Službeni glasnik BiH“, br. 39/14 i 59/22) odlučeno je kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za rješavanje žalbi BiH putem ugovornog organa u roku od 10 (deset) dana prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.



DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis



Općinski načelnik

mr. Šehir Efendić